



Hlutverk og skipan

Skólaráð Barnaskóla Hjallastefnunnar í Hafnarfirði er samráðsvettvangur skólastjóra og skólasamfélagsins um skólahald og starfar skv. ákvæðum 8. gr. laga nr. 91/2008 um grunnskóla og reglugerð nr. 1157 um skólaráð við grunnskóla. Skólastjóri stýrir starfi skólaráðs og ber ábyrgð á stofnun þess. Auk skólastjóra sitja í skólaráði tveir fulltrúar foreldra, tveir fulltrúar kennara, einn fulltrúi annars starfsfólks skólans og einn fulltrúi grenndarsamfélags eða viðbótarfulltrúi úr hópi foreldra valinn af öðrum fulltrúum skólaráðs. Staðgengill skólastjóra stýrir skólaráði í forföllum skólastjóra.

Kosning

Ráðið skal skipað sjö einstaklingum til tveggja ára í senn. Reglum samkvæmt eiga níu einstaklingar að skipa skólaráð, þar af tveir nemendur, en sökum ungs aldurs nemenda í skólanum er farin sú leið að í stað þess að fulltrúar nemenda sitji í skólaráði eru allir nemendur hluti af nemendaráði og taka þátt í aldurssamsvarandi lýðræðisfundum um málefni innan skólans. Því gæta fulltrúar foreldra í skólaráði Barnaskólans hagsmuna nemenda þar sem þeir, vegna aldurs eða þroska, geta ekki tekið þátt í störfum skólaráðs, sbr. 13. gr. laga nr. 91/2008 um grunnskóla og 1. gr. barnaverndarlaga nr. 80/2002.

Miðað skal við að skipað sé í ráðið í upphafi skólaárs, fyrir lok septembermánaðar. Foreldrar skulu kosnir á aðalfundi foreldrafélags samkvæmt þeim starfsreglum sem foreldrafélagið setur sbr. 9. gr. laga nr. 91/2008 um grunnskóla. Þá skulu kosnir aðalmenn og jafnmargir varamenn. Varamenn skulu skipaðir í skólaráð og geta tekið sæti í skólaráði á einstökum fundum í forföllum aðalmanns. Fulltrúar kennara skulu kosnir á kennarafundi að hausti það ár sem umboð fulltrúa rennur út og fulltrúi starfsmanna á starfsmannafundi að hausti það ár sem umboð fulltrúa rennur út.

Verkefni

Skólaráð hittist að hausti og setur sér starfsáætlun¹ til eins skólaárs í senn. Skólaráð fundar eigi sjaldnar en fjórum sinnum á skólaárinu. Skólastjóri undirbýr fundi og boðar til þeirra með tilheyrandi dagskrá. Skyld er að kalla saman fund ef þrír eða fleiri skólaráðsmenn óska þess. Skólaráð skal að lágmarki halda einn opinn fund á ári um málefni skólans fyrir aðila skólasamfélagsins og/eða koma að foreldrafundi að hausti.

Skólaráð tekur þátt í stefnumörkun fyrir skólann og mótun sérkenna hans. Skólaráð fjallar um skólanámskrá skólans. árlega starfsáætlun, rekstraráætlun, aðrar áætlanir um skólastarfið og erindi sem því berast. Skólaráð skal fá til umsagnar áætlanir um fyrirhugaðar

¹ Nánari upplýsingar um starfsáætlun er að finna í vinnureglum skólaráðs Barnaskólans.

meiriháttar breytingar á skólahaldi og starfsemi skóla áður en endanleg ákvörðun um þær er tekin. Skólaráð fylgist almennt með öryggi, aðbúnaði og almennri velferð nemenda. Fræðsluráð, sbr. 6. gr. laga nr. 9/2008 um grunnskóla, getur með samþykki sveitarstjórnar falið skólaráði ákveðin verkefni þessu til viðbótar. Skólaráð fjallar ekki um málefni einstakra nemenda, foreldra eða starfsfólks skóla.

Upplýsingamiðlun og ábyrgð fulltrúa

Skólastjóri sér um að starfsreglur skólaráðs séu kynntar foreldrum og starfsfólki skólans m.a. með birtingu þeirra í starfsáætlun og á heimasíðu skólans. Jafnframt veitir skólastjóri viðeigandi stofnunum upplýsingar um nöfn og netföng fulltrúa í skólaráði strax að lokinni kosningu þeirra hverju sinni.

Skólaráðsfulltrúar skulu kynna starf ráðsins fyrir umbjóðendum sínum. Skólaráð skal jafnframt starfa í náinni samvinnu við stjórn foreldrafélags skólans og leitast við að tryggja gagnkvæma miðlun upplýsinga. Fundargerðir hvors aðila skulu vera aðgengilegar á vefsíðu skólans.

Skólaráðsfulltrúum er skylt að gæta trúnaðar varðandi upplýsingar um einstaklinga, nemendur, starfsmenn skóla eða annað sem þeir verða áskynja um í starfi sínu. Skólaráð getur vísað erindum sem það hefur fjallað um, ásamt umsögn, til skólanefndar, foreldrafélags, kennarafundar, starfsmannafundar eða nemendafélags.

Sé lögum og reglum um grunnskóla eða áætlunum um skólahald ekki framfylgt að mati skólaráðs ber því að tilkynna það til menntamálaráðuneytisins enda hafi ábendingum þess til skólastjóra og/eða skólanefndar ekki verið sinnt.